

# E Wondermitteli geg de Hueschte

Autor(en): **Eggenberger, Peter**

Objektyp: **Article**

Zeitschrift: **Appenzeller Kalender**

Band (Jahr): **293 (2014)**

PDF erstellt am: **23.07.2024**

Persistenter Link: <https://doi.org/10.5169/seals-515341>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

# E Wondermitteli geg de Hueschte

PETER EGGENBERGER



Zu den vielen Erkältungsbeschwerden gehört auch hartnäckiger Husten. Werner Tobler beugt jeweils mit Sirup vor, wobei ein neues Produkt ungeahnte Folgen zeitigt...

Wider emol häds aagfange hierbschtele. De Werner isch z Altstätte gsii ond häd nebscht anderem inere Trogerii Hueschtesirup vom Vogel wele poschte. Zom Vorbüüge. Am sebe Tag

isch Maart gsii, ond amme Schtand häd de Migg Zähler luut näbis gege Vekeltege aabbotte: «Mit dem Wondermittel händler nie me kaalti Füess! Ond me waass jo, wer kaalti Füess häd,

mos schtändi hueschte, ischt haaser, häd Halsweh ond vilicht sogär e böösi Angina. Do, e Fläsche zom Schpezialpriis vo gad sibe Franke! Nie me kaalti Füess! E tolli Glegeheit! Griiffid zue!»

Woromm nöd emol näbis anders? Probiere gohd schliessli über schtudiere. Ond eersch no vill billiger als de Sirup vom Vogel, sinnet de Werner, ond scho häd er e Guttere i de Hand gkhaa.

«Du, Meta, e neus Mitteli geg de Hueschte», rüeft er scho onder de Hustüer ond nehnd wärem d Schtege-n-uuf Laufe en wackere Schluck us de Fläsche. «Guete, aber wieso nöd de Sirup wie all? Dä vom Naturarzt?» D

Frau lueget d Guttere-n-aa, ond etz falltere uuf, as de Maa ka Antwort gid, en füürzöndroote Kopf häd ond mit de Hend vor em Gsicht ommefuchtlet.

Si höört e langzoges «Mmmmm», ond ufgregt list d Meta d Gebruuchsaawiisi, wo henne kliitruckt uf em Gütterli schtohd: «Nie mehr erkältet! Nie mehr Husten! Nie mehr Halschmerzen! Bestreichen Sie mit diesem sofort wirkenden Isolierklebstoff ihre Schuhsohlen, und Sie haben nie mehr kalte Füesse, die häufig Ursache von Erkältungskrankheiten sind!»

Noch em notfallmäässege Bsuech bim Tokter, em Lööse vo de zämmegkleebete Lippe ond

amme scharfe Gegegift isch de Werner is Dorf ond i Richti Trogerii gloffe. Er häd nöd leenggs ond nöd rechts glueget ond isch graadewegs in Lade-n-ini. Ond en Schluck us de Hueschtesirup-Guttere häd er eersch doo gnoh, wo-n-er d Gebruuchsaawiisi vom allereerschte bis zom letschthenderschte Buechscha-be gläse gkha häd.

**Wörter:**

Maart = Markt; hander nie me = habt ihr nie mehr; ischt haaser = ist heiser; näbis anders = etwas anderes; Guttere = Flasche.

(Peter Eggenberger ist Autor von acht Büchern mit humorvollen Kurzgeschichten. Neuestes Werk ist «Vo Tökter ond Luusbuebe». Erhältlich im Buchhandel, im Appenzeller Verlag und beim Autor, [www.peter-eggenberger.ch](http://www.peter-eggenberger.ch))

  
**SCHMUKI AG**  
Garage | Pneu | Natel

**Neu- und  
Occasions-Wagen**

Industriestrasse 19, 9102 Herisau  
Telefon 071 354 84 84  
[www.schmuki.ch](http://www.schmuki.ch)

  
**Reinigungssysteme AG**  
Beratung • Verkauf • Reparaturen

 **KÄRCHER**

Hofackerstrasse  
9606 Bütschwil  
Tel. 071 980 09 50  
Fax 071 980 09 52

**fenster  
dörig**

Holz-Metall-Fenster • Kunststoff-Fenster



**Fenster Dörig AG, 9050 Appenzell**  
Telefon 071 787 87 80, Fax 071 787 18 72